

ხ ე ლ შ ე კ რ უ ლ ე ბ ა №8/5

(CPV 42500000)

(სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის მე-2 მუხლის „ა“ ქვეპუნქტის შესაბამისად საქონლის შესყიდვაზე გამარტივებული შესყიდვის საშუალებით)

ქ. თბილისი

15 თებერვალი 2017 წ.

ერთის მხრივ თბილისის სახელმწიფო სამედიცინო უნივერსიტეტი (შემდგომში წოდებული „შემსყიდველად“), წარმოდგენილი კანცლერის, ზურაბ ორჯონიკიძის სახით და მეორეს მხრივ შპს „ომეგა“ (შემდგომში წოდებული „მიმწოდებლად“), წარმოდგენილი დირექტორის, ნინო გაბუნიას სახით, ვდებთ ამ ხელშეკრულებას (საფუძველი რუსთაველის ეროვნული სამეცნიერო ფონდის მიერ დაფინანსებული სამეცნიერო პროექტის (გრანტის) - „ჯანდაცვის ელექტრონული სერვისი - ინსომნიის მქონე პაციენტებისთვის პირველი ქართული დიגיტალური კოგნიტურ ბიჰევიორული თერაპიის (კბთ) პროტოტიპის შექმნა“ ხელმძღვანელის ასოც. პროფესორის ნათელა ოკუჯავას მოხსენებითი ბარათი კანცელარიის #275 08.02.2017წ.) შემდეგზე:

1. ხელშეკრულების საგანი

1.1. საგრანტო პროექტის „ჯანდაცვის ელექტრონული სერვისი - ინსომნიის მქონე პაციენტებისთვის პირველი ქართული დიგიტალური კოგნიტურ ბიჰევიორული თერაპიის (კბთ) პროტოტიპის შექმნა“ ფარგლებში 5 ცალი კონდიციონერის (hisense AS-09HR4SVNVQ3) მოწოდება-მონტაჟი.

2. შესყიდვის ობიექტის მიწოდების წესი და ღირებულება

2.1. შესყიდვის ობიექტის მიწოდების ვადაა 10 (ათი) სამუშაო დღე ხელშეკრულების ძალაში შესვლის დღიდან.

2.2. ხელშეკრულების ღირებულება შეადგენს 3695 (სამი ათას ექვსასოთხმოდათხუთმეტი) ლარს.

2.3. 1 ცალი კონდიციონერის ღირებულება შეადგენს 629 ლარს, ხოლო 1 ცალი კონდიციონერის მონტაჟის ღირებულება შეადგენს 110 ლარს.

2.4. ხელშეკრულების ღირებულება შეიცავს მიმწოდებლის ყველა ხარჯს, დაკავშირებულს მის მიერ ამ ხელშეკრულებით გათვალისწინებული შესყიდვის ობიექტის მიწოდებასთან, მათ შორის კანონმდებლობით დადგენილ გადასახადებს, მოსაკრებლებს და სხვა.

2.5. ფასების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევაში.

3. მიღება-ჩაბარების წესი

3.1 შესყიდვის ობიექტის მიწოდება დასტურდება მიღება-ჩაბარების აქტით, რომელსაც ხელს აწერენ „შემსყიდველის“ და „მიმწოდებლის“ საამისოდ უფლებამოსილი წარმომადგენლები.

3.2 მიღება-ჩაბარების აქტის გაფორმებასთან ერთად „შემსყიდველს“ წარედგინება ანგარიშსწორებისთვის საჭირო ყველა სხვა დოკუმენტი.

4. ანგარიშსწორება მხარეთა შორის

4.1. ანგარიშსწორება მხარეთა შორის ხორციელდება უნაღდო ანგარიშსწორების გზით, შესყიდვის ობიექტის მიწოდების შესახებ მიღება-ჩაბარების აქტის ხელმოწერიდან 15 (თხუთმეტი) სამუშაო დღის განმავლობაში.

4.2 ანგარიშსწორება „შემსყიდველის“ მიერ განხორციელდება ანგარიშსწორებისთვის საჭირო ყველა სხვა დოკუმენტის და მიღება-ჩაბარების აქტის საფუძველზე.

5. მხარეთა უფლება-მოვალეობანი

5.1. შემსყიდველი იღებს ვალდებულებას:

5.1.2. უზრუნველყოს მიწოდებული საქონლის ღირებულების დროული გადარიცხვა მიმწოდებლის საბანკო ანგარიშზე.

5.1.3 შემსყიდველი უფლებამოსილია განაცხადოს უარი უხარისხო შესყიდვის ობიექტის მიღებაზე.

5.2. მიმწოდებელი ვალდებულია:

5.2.1. პასუხი აგოს მიწოდებული საქონლის ხარისხზე.

5.2.2 მიმწოდებელი ვალდებულია მიაწოდოს შემსყიდველს უფლებრივად უნაკლო შესყიდვის ობიექტი.

5.2.3 უზრუნველყოს საქონლის მიწოდება დადგენილი პირობების შესაბამისად.

5.2.4 კონდიციონერის საგრანტო ვადაა 2 (ორი) წელი მოწოდება-მონტაჟის დღიდან.

6. მხარეთა პასუხისმგებლობა

6.1 ხელშეკრულებით გათვალისწინებული ვალდებულების შეუსრულებლობის შემთხვევაში, დამრღვევ მხარეს ეკისრება პირგასამტეხლოს გადახდა, სახელშეკრულებო ღირებულების 10% -ის ოდენობით.

6.2. ხელშეკრულებით გათვალისწინებული ვალდებულების შესრულების ვადების გადაცდენის შემთხვევაში მიმწოდებელს ეკისრება პირგასამტეხლო ყოველ გადაგადაცილებულ დღეზე ხელშეკრულების ღირებულების 0,1%-ის ოდენობით, მაგრამ არანაკლებ 10 (ათი) ლარისა.

6.3. საჯარიმო სანქცია არ ათავისუფლებს მიმწოდებელსა და შემსყიდველს ძირითადი ვალდებულებების შესრულებისაგან.

7. ფორს-მაჟორი

7.1. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

7.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

8. ხელშეკრულებაში ცვლილებების შეტანა

8.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

8.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომელთა გამოც წარმოიშვა ხელშეკრულების პირობების შეცვლის აუცილებლობა.

8.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. ხელშეკრულების შესრულების კონტროლი

9.1. სახელმწიფო შესყიდვის შესახებ ამ ხელშეკრულებით გათვალისწინებული საქონლის მიწოდებაზე კონტროლს განახორციელებს საგრანტო პროექტის „ჯანდაცვის ელექტრონული სერვისი - ინსომნიის მქონე პაციენტებისთვის პირველი ქართული დიგიტალური კოგნიტურ ბიჰევიორული თერაპიის (კბთ) პროტოტიპის შექმნა“ ხელმძღვანელი ასოც. პროფ. ნ. ოკუჯავა.

10. დამატებითი პირობები

10.1. ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2017 წლის 31 დეკემბრის ჩათვლით.

10.2. წინამდებარე ხელშეკრულების მოქმედების მთელი პერიოდის განმავლობაში არც ერთ მხარეს არ აქვს უფლება მეორე მხარისაგან წერილობითი თანხმობის გარეშე თავისი უფლებები და ვალდებულებები გაასხვისოს ან გადასცეს მესამე პირს.

10.3. წინამდებარე ხელშეკრულების მოშლა შესაძლებელია, თუ ერთ-ერთი მხარე არღვევს წინამდებარე ხელშეკრულებით გათვალისწინებულ პირობებს და ზიანს აყენებს მეორე მხარეს. ხელშეკრულების მოშლის გადაწყვეტილების შესახებ ერთ-ერთი მხარე ატყობინებს მეორე მხარეს 2 დღით ადრე.

10.4. ხელშეკრულებაში დამატებების და/ან ცვლილებების შეტანა შესაძლებელია ორივე მხარის წერილობითი თანხმობით.

10.5. ხელშეკრულება შედგენილია ქართულ ენაზე ორ ეგზემპლარად და ორივე ეგზემპლარს აქვს თანაბარი იურიდიული ძალა.

11. დავათა განხილვის წესი

11.1. მხარეები შეეცდებიან ურთიერთმოლაპარაკების საფუძველზე გადაჭრან დავები. იმ შემთხვევაში, თუ ისინი ვერ გადაჭრიან დავას, იგი განიხილება სასამართლოს მიერ.

მხარეთა იურიდიული მისამართები და საბანკო რეკვიზიტები

“შემსყიდველი”

“მიმწოდებელი”

თბილისის სახელმწიფო სამედიცინო უნივერსიტეტი
ქ. თბილისი, ვაჟა ფშაველას გამზ. №33
საიდენტიფიკაციო კოდი 211328703
სახელმწიფო ხაზინა, კოდი TRESGE22
ა/ა GE24NB 0330100200165022

შპს „ომეგა“
ქ.თბილისი, გამსახურდიას გამზირი №11
საიდენტიფიკაციო ნომერი 211334830
სს „თი ბი სი ბანკი“, კოდი TBCBGE22
ა/აGE36 TB 1100000 360 200 512

თსსუ-ის კანცლერი
ზურაბ ორჯონიკიძე

შპს „ომეგა“-ს დირექტორი
ნინო გაბუნია

